

## **Trawün “Rap ülkantun... ngüneluwün dungu fantepu mew”**

Josep Cru, kellukelu Linguapax Europa trokiñ mew ka küdawkelu chi proyektu dungu “filla ka we dewmangetelu fillke piam”, nütramkangey kiñe trawün mew Unifersidad Playa Ancha mew, Chile.

### **Üllkantun witrampüramay fillke anünche dungun**

“Alkütümün taiñ nütramkan. Yewekilnge!, piwiiñ inchiñ, trepepe tami piwke, mapudungunge!!” alkütungey feychi ülkantun konpulu trawün mew inchiñ. **Tachi trawün “Rap ülkantun... ngüneluwün dungu fantepu mew”**, dewmangelu Unifersidad Playa Ancha.

Ngünelafiiñ chi ülkantun, Chile mew kimelngekenoluam fillke anündungu kimelwe ruka mew. Welu ülkantun mew, kimelmekey fillke anündungun.



Feychi küdaw Ilitungey **Acciones Marie Sktodowska-Curie Narrativas Culturales de la Crisis y la Renovación (CRIC)**. Feychi küdaw Unión Europea kulli. Wüenkülelu Facultad de **Ciencias Sociales, Dr. Felipe Gascón i Martin ka chi domo kimlefe küdawkelu Centro de Estudios Avanzados, Dra.**

**María Angélica Oliva**, küdawküley engu trokiñche mülelu Chile mew, **Unifersidad de la Frontera** ka, **Unifersidad Austral** longkolelu feychi küdaw mew.

“Tüfachi küdaw inaramtun dungu fillke pais mew llemngey, filla ka we dewmangetelu fillke piam dungu. Meli unifersidad Europa mew mülelu ka kayu unifersidad Latinoamerica mülelu, 40 inaramtufe, dewmayaiñ kiñe fütra küdaw inaramtun dungu, rupachi 2016 ka meli tripantü küpalelu”, fey pikey **Dra. Oliva**.

Feychi trawün mew, **ngünelelu linguistica dungu Unifersidad Newcastle mew**, fentren küdaw yenielu Europa ka Latinoamerica, **Josep Cru Talaveron** feypi “**Rap ülkantun mew nielu epu kewün: chumngechi witrampürayay anünche dungu**”.

### **Rap ka hip hop**

Tañi nütram mew, **Dr. Cru** pengeli chumngechi amuley anünche dungu America Latina mew ka kümead küdaw mülealu politika linguistika fillke püle.

Pengeli kiñe küdaw fillke anün dungu dungungekelu Chile mew, ka dunguy chumngechi ta wekeche inadungumeketulu mapuche dungu. Fentren wechekeche mapuchengelu

dungukelay chi mapudungun. Racismo dungu mew, kimapalay ñi dungu engün feymew chi pu tremche kimelay ñi dungu engün, pikey inarumtufe Newcastle tuwlu.

Feypi “üllkantun dungun mew tüfachi anünche dungu uifpatuay chi dungu. Hip hop ülknatun, rap ülknatun mew fül konpatuy tañi anünche ngen. Wechekeche kimtuy ti dungu fillke kimeluwün mew ka amuldungutual.”



Müley ñi witrampüramael pu che dungukelu agente politika ,uistika reke. “Fillke pais mülelu chi pu Estado, adümlay ka ngüenlay chumngechi ñi küdawngeael fillke anum dungu. Kimelkey fillke anün dungu Chile pais mew, ka fillke pais America Latina mew, welu pu wechuekche ayilay chumngechi yeniel feychi dungun.

Ülkantun mew, awkantun mew, pu wecheke che doy ngüneley kiamel fillke wimün ka fillke dungu, “chi pu Estado ayinmangelay ñi küdaw, welu pu anünche kisu kimüngey chumngechi ñi amulngeal ñi dungu engün”, fey pi ta Cru.



Feychi dungu entuy küdawlu kiñe taller mew.